

橫
雲
山
人
集

橫雲山人集卷之十八

還朝集

題同年宮定菴四蹟圖

河東閼闕傳江都一門七葉騰鴻儒赤文早刷渥
水駒激昂迴與凡流殊髫齡綵服當庭趨執經辟
呬容愉愉風雲鬱起徑尺觚墨池飛騰小蟾蜍燕
臺文戰蹇蹇弘睥睨一世誰齊驅高平手握文章
樞一枝仙桂攄丹跗詞含元氣掃秕稊上追正始
唐與瞿時余謬悠登天衢看君鳳沼摩青梧五花

筆陣搖珊瑚半夜藜杖輝典謨既而移聽霜臺烏
芙蓉出匣瑩湛盧豫楚叅藩綰虎符雲檣千里充
均輸婁躔衡鑒懸冰壺秦松漢柏噓凋枯裁量玉
尺分錙銖雍雍膠序歌黃虞明堂制作需洪樞九
霄卿月供清娛釋之持平文母拘南牀佐領何于
于銀臺職司贊都俞封章獻納無崎嶇紫泥分陝
頒彤旅絳騶赤棒雄首塗籌邊築樓閣海隅武夷
對峙屹不孤三山童稚皆歡呼虎頭落筆三形撫
展卷揩拭雙清矚宛然劒佩掀鬚添得一幅鵞
谿無御隄五月榴花敷青門祖帳紅氍毹素心同

簪聯粉榆廿年金石雨不渝祝君勲名房魏俱綸
扉補袞凌烟圖

題狄向濤米來齋穿心石榴圖

塗林仙種坼朱房含醉含嬌別有香若解東牆窺
宋玉不知誰與鬪紅妝

其二

綠雲披拂間紅衿著意施朱韻自深爲怕郎情沾
柳絮嫣然一笑結同心

題友人像

閨苑花光盡日幽芭蕉綠映石牀秋看君仙骨蓬

萊上三萬牙籤李鄴侯

其二

庭桂飄香入錦茵
羲皇高並北窗人
脩然槭几清如水
不信東華幾許塵

送顧俠君南歸

黃金臺下驂騑去
塵世誰知相馬經
擊筑痛浮燕市白
釣竿歸指莫釐青
鳳毛共許傳靈運
龍尾何妨屬管寧
應有珠璣千氣象
選樓高倚少微星

小至同人夜集

薊北窮陰短景催
陽生緹室動葭灰
明朝宮禁爭

添線此夕賓朋共舉杯客况三冬燕嶠雪鄉心萬
里鶴坡梅杜陵雲物多愁緒我輩酣歌莫漫哀

其二

媿說平生車笠歡茅齋相對腐儒餐陽回不省因
誰熱老去何妨巧耐寒金柝繞衢聲歷歷銅檠刻
燭夜漫漫當簷翹首思關塞 龍馭清霜滿玉鞍

時聖駕
親征塞外

其三

陰陽相嬗一宵中景物燕吳約略同斗柄聯珠方
指北柳條含旭欲垂東書雲老子慚班管作賦羣

公繼國風轉眼韶華成泰道暫傾家釀借春紅

其四

五更冬至記朝天劒珮蹕蹕鳳闕前一自六飛勞
出塞至今九校尚屯邊炎劉漫定和戎策小雅原
存薄伐篇聞道單于將面縛龍庭電掃勒燕然

急鼓

附錢亮功和作

頻將子夜催餘寒猶觸應鐘灰紫微芒動

簷前斗青鏡霜消掌上杯鵬雪敢欺東面柳春

光潛注北枝梅蒼生共識天心轉人世陰陽實

可哀

其二

廣廈如山客盡歡熒恍何有武公餐繡紋在手
天將煖霜韭挑心地不寒開閣日邊花簇簇憶
家江表雪漫漫眼前廐駿驕騰意雲物晴和待
寶鞍

其三

素衣緇盡帝城中，鄉國雖殊亞歲同。
細數九年樓淚北，曾經一月客淮東。
圍爐煖似吹葭室，縱酒狂兼擊筑風。
知舊滿前妻子隔，夜窗慙對蠟燈紅。

其四

雪暗冰橫萬里天，消寒須倚燭房前。
閉關無夢窺南省，輓轡何心算北邊。
穰歌未諳荆楚俗，窮愁應有杜陵篇。
洪鈞暖律看公在，大地春回豈偶然。

柝

警急周廬夜，丁丁八衛分。
羈人難及曉，征婦豈堪聞。
響斷沈關月，聲長切塞雲。
若逢霸陵尉，誰顧李將軍。

其二

虎豹宿巖城霜街斷客行令嚴長樂尉威重亞夫
營刁斗聲同遠丁寧夜與清函關如欲出珍重候
鷄鳴

拆附錢亮功原唱

虎校巡初急人家寢未酣禁中屯衛八天外築
城三街雪堆袍袖邊霜沒劍鐔曾聞亞夫法不
警壁東南

其二

令嚴千里帳響答萬重城俠客無生氣聞人自
遠情漏消沈箭滴丸應打牆聲翻靴武宿火寒
冰裏倉忙報六更

月

冬夜寒於水清光復照人望中銀闕迴天外雪山
新玉兔何年藥霜娥可自顰風流謝希逸歲晏獨

傷神

其二

清絕南樓影宵從故國來美人嗟已邁青鏡爲誰
開明遠帷空掩王曇曲易哀何如遊鄴下對景且
銜杯

霜

玉女司陰象窮冬萬木殘板橋人跡滑榆塞客衣
單月靜已含凍烏啼猶帶寒安仁頭夜白愁殺鏡
中看

其二

龍沙來白雁員嶠覆冰蠶節物雖殊好炎涼總自
諳餘酸流館閣北齊邢子才冬夜直史館詩云霜氣有餘酸孕冷夢江
潭歲晚傾桑落清芬早破柑

雪

同雲凝帝里繡戶玉爲塵月滿初無路花明不覺
春芳樽梁苑客孤棹剡溪人莫嘆流光速飄蕭作
鬢銀

其二

極目瑤光裏悠揚萬里天似驚飛絮起欲占落梅
先錦帳誰家酒書窗若箇氈最憐龍塞客墮指戍

窮邊

風

噫氣三冬壯喧飀動薊門相鳥常自轉退鷁豈能
騫樹捲邊雲黑沙衝塞日昏散裘蘇季子何處納
微溫

其二

冬日時晴快披襟却不勝乍飄銅鴨篆旋逼玉壺
冰蘭戶施緹密松窗罷客凭泠然驚拂面暖閣畏
霜稜

冰

銀塘千尺水一夜作琉璃畱待東風解藏之夏日
宜素懷霜魄並幽意雪梅知只恐山人骨郊寒未
可醫

其二

皓質風塵外翛然樂今清銜同銀筆署心與玉壺
盟龍窟晴還合蛟宮夜欲明滹沱真可渡白水肇
東京

贈大宗伯張夢敦前輩

黃石書傳帝者師廿年補袞鬢添絲深宮獨對蒲
常伏溫室歸來樹不知黼黻象成天上繪管絃矇

誦卷中詩看公勲業沙堤近莫話龍眠繞夢思

其二

時捧丹書拜冕旒頻看賓榻侍龍樓兩宮玉饌花
間賜三殿金蓮月下留禮樂奉常尊主器文章燕
國播皇猷誰家列戟施行馬邸第還依太液頭

其三

巍巍閭閻照江東玉樹庭前正鬱葱高密一門傳
七藝富平八世啟三公鳳毛舊引蓬池采鯢浪新
翻碧海風共許聲華當代上更看馴謹昔賢同

其四

夙陪劒履鳳池邊同被貂衣玉殿前撫鏡自知真
教屑入宮翻許並嬋娟久歸耕鑿安三泖何意吹
噓到九天青簡賴公搖彩筆早竣芸局訪林泉

題王石谷畫冊

相沿院體擅丹青愛殺倪迂喚世醒渾似西施誇
絕代任人朱粉鬪娉婷

其二

閨閣當年罕俗情遠山孤木自含清風流異代鍾
王子頓使前賢讓後生

題友人白雲圖

給札行看賦上林
循陔時動採蘭吟
黃金臺迥憑南望
一片孤雲萬里心

題友人畫冊

三年歸夢落秋江
吳苑風高雁幾雙
若箇最爲堪憶處
青山黃葉讀書牕

題史畊巖下直讀書圖

曲江風度燕公手
崔湜年華李白才
慣作玉皇香案吏
私居亦似小蓬萊

其二

花礎雲簾侍帝宸
袍衫不上軟紅塵
回時更酌

明光草白樸長如典誥新

其三

花底從容自直廬西垣斜日影無餘珊瑚架滿徐陵筆猶爲天家勘寶書

其四

摩詰芭蕉蕭悅竹和松翳石綠葱葱蓮塘未展初日面兩樹紫薇相對紅

其五

龍門直幹削層穹手植偏教近綺櫳身是九苞阿閣鳳故應生性愛梧桐

高澹人請養歸里晉秩宮端賦贈十六絕

三度龍城扈輦行欣瞻帷幄慶昇平燕然大筆
方銘石拜表旋陳養母情

其二

西山霜葉絢烟巒皓鶴盤空厲羽翰祖帳東門車
百輛一時傳寫畫圖看

其三

謾說風流賀季真未聞機略契楓宸誰能夜半頻
前席拜手青蒲便乞身

其四

紫禁長源願隱衡青宮疏傳忽辭榮人間美事還
餘幾又占當年令伯名

其五

愛友忠君誼自親行藏青史更誰倫令公密殿
常承對縱觀雷霆不負人

其六

萬卷圖書列禁庭校讐常借乙藜青流傳白樸
知多少盡與詞臣作典型

其七

中流簫鼓日娛親紫綬金章綵服新東道諸侯迎

畫舫起居八座太夫人

其八

荷花世界柳絲鄉天際真人洞府長朋舊却驚三
歲別鬢邊微點塞垣霜

其九

韋公谷口千屏繡祕監湖心萬斛鈿誰似江村棲
隱地慈烏日日繞長筵

其十

繡幃文軒照里門陔蘭園筍奉晨昏若非二十年
魚水容易家人一體恩

其十一

荷橐經時歷九邊霜毫未暇錄歸田爲將柳雅韓
碑手暫草閒居賦一篇

其十二

主恩沾渥紫泥頒越角吳根總賜環今日仙舟
難共艤懷鉛空自點朝班

其十三

並命同徵歷四秋子今高蹈我淹留急圖結伴駕
湖曲兩雨漁歌學蕩舟

其十四

綠野迴環翠幄重板輿花下日春容極天西母瑤池氣家住蓬萊第一峯

其十五

相送津亭餞玉壺釣竿東去拂珊瑚白蘋秋水隨舟遠蕩漾離情到五湖

其十六

縹緲燕吳萬嶺雲秋風鴛侶一時分縱令別後魚緘易那處看花不憶君

高詹事以絹素索詩復賦長句

金華不戀獨陳情列戟雙藤侍母榮晉國禁中稱

福壽武昌堂下拜公卿昔年絳幔傳經美今日黃
麻捧誥明自是君恩真曠代更兼彤管播芳名

其二

英年早侍鳳皇樓前席嘗經月下留清秩儘容丹
地轉高情偏愛赤松遊林泉自樂陶貞白金紫難
羈李鄴侯只恐東山還掩鼻板輿重到液池頭

賜第

在西華
門內

送袁杜少假旋

春禁摘華數載餘鄉關忽駐少游車嵇山竹箭新
材數沙麓烟霞舊隱居副本自珍藜閣草外篇頻

就漆園書

東明有漆園城
莊周作吏處

洪河咫尺京西路鯉素

無忘折柳初

聞噶爾丹侵屬國喀爾喀部落 王師破走

之志喜

龍城烽火動三邊十萬貔貅出塞年直掃樓煩逃
絕幕遠殲遼濮過祁連金犁撓酒何須誓天馬遊
閭不待鞭屬國從今無徙帳爭看寶憲勒燕然

時新

獲噶爾丹
汗血馬

題李公凱學士小像

北廳磚影淨無塵百尺蒼松碧玉鱗草罷菱箋還

獨坐午濤時撼著書人

其二

玳瑁裝書積萬函經樓史庫一關緘偶然石上閒
披卷爲要教他白鶴銜

其三

朱引金重侍玉除珊瑚仙骨更誰如鄴侯名籍蓬
臺上况讀人間未有書

戊寅秋逆寇噶爾丹骨懸示西市都城官民
競觀志喜四首

龍麾三出御貔貅赫赫王誅凜素秋蒲海遠開都

護府藁街爭看郅支頭直犁狡窟焚俱盡不用長
纓命已休武烈豈徒資衛霍妖氛電掃是宸謀

其二

銅頭鐵額竟何如父老紛紛笑逆渠日逐有心寧
染鏑防風無骨可專車空存遺卵傾巢後難續游
魂沸鼎餘此寇既除亭堠撤北鞬西極盡同書

其三

二庭巢穴已全摧飲器還從萬里來霜刃血乾難
覺鼓風禽羽落更揚灰共懽京觀朝堪築從此邊
關夜可開黃鉞一揮清絕漠當年漢武漫登臺

其四

蚩尤肩膊比烹鮮朝野懽騰破陣年丹浦兵戈堯
雨露白環珍賁舜山川競看欵塞歸蠻邸那有流
鋒擾漢邊自古逆天終殄滅髑髏應與萬方傳

送京江相國省覲還里

上宰承恩覲省歸高門盛事古今稀天垂鳳藻爲
仙籙帝賜貂裘作綵衣梅柳邗江迎劒履笙璫
蓬島接庭闈極知左右需蕭相豈易經時奉翟翬

其二

師垣勲業勒鐘鏞篤行還推百代宗榆塞扈遊

天萬里蘭陔趨省歲三冬恩榮曠世梁公養

姓崇以宰

相養親

美事當家晉國封

白樂天詩當家美事堆身上當家謂本家也

到

日高堂頻慰勞邊霜微點舊儀容

其三

三春晴日憩文軒仙醴長筵捧上尊堯叟掌樞身

侍側趙公通訊客盈門

趙隱爲相弟兄侍母左右公卿大臣盈門通訊

還

看紫殿肩輿入會有丹霄手詔存宇宙太和家鼎

盛蒼生俱覆北堂溫

其四

門排十六戟森森天外三山望碧岑雪驛減騶來

視膳槐堂虛席待爲霖常依子舍宗臣願畱相
王朝壽母心會駕綵輿寧國邸婺光台曜五雲深
送吉士張天門出宰壺關

分符百里動星辰東閣郎君墨綬新夙賦兩京傳
禁闥佇成三異報平津琴堂秋露揮銀管花縣春
風擁璧人不借鳳皇池上客安知天子重親民

其二

壺關山險切雲霄列障嚴扃自漢朝千里濁漳環
地闊百盤羊坂接城遙暫時錦製經煩劇雅勝冰
銜伴寂寥行覩治名徵第一絲綸還藉李文饒

十一月二十四日奉

旨內直

溫室宣傳事校讐黃綾簾裏殿西頭拜恩玉几金
爐下不伏青蒲已數秋

其二

曲江風度冠諸卿靜海淹通富兩京

謂張勳
二公也

禁闥

重逢相慰語碧虛無翳日華明

題王石谷騎牛還山圖

昔來黃歇浦別我上燕關今渡桑乾水羨君歸故
山籬邊香草潤谷口暮禽閒安得長林下騎牛相

往還

其二

我有泉居僻茅堂谷水陽君來或累月松下幾傳觴一別此中樂空隨夢裏長相煩語猿鶴幽意渺難忘

送龐雪崖出守建寧

數載爲郎久東甌五馬時烽清堪坐嘯官靜好吟詩精舍尋雲谷

朱子講學處

名山對武夷知君幽意滿

治行古人期

其二

大雅今寥闊誰人尚古風
河流難徙北川障那回
東鹵莽誠儉父淫哇豈國工
多君裁僞體句句浣
花翁

其三

我老歸無計送君作郡行
吳雲瞻故國越嶠指王
程兩地知常憶孤吟合寄聲
廿年師弟意別酒不
能傾

送令貽補任銅仁

茂嶺鳴琴漢越裳

五代時南漢茂名爲越裳縣

重懸墨綬向蠻

方蝸溪濺作風雷響銅嶂青摩日月光到處登臨

應得句異時循卓待騰章須知儒吏詩書澤苗俗
陶爲禮義鄉

己卯五月二十日蒙

恩拜工部尚書恭紀

豸冠昔日領臺端史局年來愧素餐

修史奉
食原俸

命

何意廟謨咨賈策頓分館職拜冬官千重淮水歸
湖闊萬里黃流導海寬好把河渠書一卷博參今
古奏安瀾

五月二十五日

賜御書南巡吳山詩一幅恭紀

吳山左瞰浙江潮鳳輦時巡陟翠莨奠定山川欽
大禹東南雲日仰神堯褒廉方岳神俱悚閱武赳
桓氣不驕農服先疇耕作習商安屢籍貿遷饒儒
生俎豆親庠序士女機絲事綺綃城郭家家臻樂
利山村處處息征徭人烟輳集真殷庶魚鳥飛潛
共景韶自是興朝生聚久更兼聖政雨暘調
宸襟勝覽欣都會清問苟孚徧野樵軫念閭
閻稱既富還期風俗靜浮囂特將元首惟幾旨播
作司徒五教條戒勉儉勤同訓誥鏗鏘音律叶英
招奎章上映星辰色御墨高竊鸞鳳標何幸

越邦臨紫氣共瞻

天藻麗瓊霄雲亭締造翬飛

峻貞石磨礱薤葉雕

浙民構龍亭豎碑刻御詩於中

警蹕自慚

違豹尾

是歲留京未曾扈從

珠璣竊喜賜臣僚捧歸什襲藏

龍匣夜夜祥光影動搖

六月二十日

賜御書唐句堂聯二幅

秘殿薰風翰墨香承

恩欣得賜龍章兩行奎壁

懸霄漢百道光華屬草堂

其二

雙懸一十四驪珠粲粲瑤光映座隅莫道小齋爲

陋室丹文綠字粉金鋪

元史粉黃金
爲泥寫經

六月二十六日

賜御書雲淡風輕近午天絕句一幅竹西桑柘暮
鴉盤絕句一幅恭紀

聖德乾坤大奎文日月光凝神思道與游藝及詞
塲筆底龍騰躍行間鳳頡頏詩篇畱昔哲翰墨擅
今皇椒禁頒仙札銀鈎發御香柘桑流雋詠
花柳寓宏章理窟程門粹書家董法良那知臻既
聖早已集兼長乍展驚雲漢詳觀奉璧璋燕公空
謝額常侍漫登牀今日霑殊渥金函奕世藏

七月
日

賜御書臨趙孟頫心經一卷恭紀

伊昔貞觀世心經闡道微文皇窮內典三藏衍靈
暉覺具常明慧空含無盡機唐碑傳舊蹟陝搨已
全非元室推書詰吳興震海圻翩躚如舞鶴鮮艷
似紆歲至德欽今聖纛倫述泗沂六經皆闡奧
八正亦叅機每自璇宮暇常將寶翰揮昔人應捧
轂近代孰爭輝倬直瞻天筆承恩自禁幃展舒
陳硯席咫尺五雲飛
橫雲山人集卷之十八

橫雲山人集卷之十九

雲間王鴻緒儼齋撰

淮干集

庚辰春正月次涿州旅店用館中湯子西崖

壁間韻

玉節春風出御溝紅雲遙帶鳳凰樓親承蒼水虞
廷命騶騎駸駸到涿州

其二

黃淮橫決古邗溝紅粉朱樓變蜃樓宵旰
憂澤水諸臣何以奠方州

其三

鳳城春柳已垂溝，擁髻人分曉月樓。
客裏欲消離別意，不知何處覓青州。

其四

每懷解組隱愚溝，負弩休煩伺節樓。
滿眼梅花春似雪，可同何遜在揚州。

和田少司農湖堤十絕句次原韻

炎漢陳登蹟有無，大堤風浪壓春蕪。
客懷到此渾零落，忍聽花前唱鷓鴣。

高堰相傳是漢陳登始築

其二

堤畔波光漾碧枝寒烟漠漠雨絲絲銅鞮拍手堪
成醉可有幽并帳下兒

其三

寒食黃州那可論荒烟濕葦欲銷魂蒼波一望皆
沉窳紫燕尋巢何處村

其四

壯繆祠堂傍水涯穹碑屹立路橫叉西風一夜翻
蛟窟殿角銅烏打浪花

高堰西風發洪澤湖浪直濺堤上壯繆廟脊

其五

一別京華未易歸淮南春草漫霏微何時橐筆宮

門裏靜對天花晝自飛

其六

桃含濁浪春時急柳拂清淮鏡裏明
暫展羣公槐棘坐金堤畚鍤計陰晴

其七

落日湖光萬丈霞帆檣歷歷舞神鴉
已經白傅青衫濕商女休歌玉樹花

其八

戲海鯨魚真莫敵蘭茗翡翠亦何妨
試吟厭次堂中句同祖風騷雅擅場

其九

羅綺誰攜范蠡船
淇園竹盡是何年
春風不管人離別
錯怪長條絮似綿

其十

淮浦頻年大上魚
神謨灑澹水災除
誰從賈讓分三策
一補河渠數卷書

附田少司農綸霞湖堤十絕原唱
二月淮南春事無
馬蹄不惜蹋寒蕪
可憐杏白錫香日
風雨蕭蕭叫鷓鴣

其二

漢水春風唱柘枝大堤一曲寫烏絲今從樂府翻吟譜別作新篇付雪兒

其三

盧家風物那堪論
漠漠湖光斷客魂
沙鳥一行

弄烟雨不知何處莫愁村

其四

垂柳貪眠倚水涯小紅橋外路三叉湖村村畔
多游女日暮溪頭弄菜花

其五

昨趁夕陽芳草歸鞭絲帽影兩霏微
春風老到處桃花燕子飛

其六

稜稜堤作雙眉綠瑟瑟波如一鏡
惜花盡聲聲布穀喜春晴

其七

落日蕪城一抹霞竹西水調亂昏鴉
揚州夢孤負蘼蘼玉藥花

其八

桑下受風原不惡牽船上岸亦無妨
維摩室祇少天花作道場

其九

張旗打鼓放江船負弩人來憶往年
花寂寞春深老柳不吹綿

其十

老懷還藉詩排遣鄉思須教酒破除何遜清吟
狂態作樽前沈范兩尚書

湖堤後十絕句次原韻

大堤東畔接荆扉浪遠風恬尚可依閒對水田無
案牘一行鴻鴈破烟飛

其二

百里重堤似掌平小河波穀入春生枳籬竹屋家
家住重馬輕車箇箇行

其三

回首東華似夢中謁來田舍可稱公野桃不久元
都觀領略春風自在紅

其四

杏花村裏酒家樓，
駘蕩春光滿客愁。
欲向洪濤沈壁馬，
幾時雙瀆慶安流。

其五

梅黃雨裏逢初夏，
版築聲中過一春。
塵滿征衫何處浣，
絨書遙寄錦機人。

其六

唐人退直稱三昧，
爲築宣防却罷叅。
無那臨河薪不屬，
朱顏愁損似瞿曇。

其七

七年不見名花放古廟嬌紅特地開料得草堂香
正滿春風無主燕空來

關壯繆廟有
牡丹數本

其八

橋畔青青細柳栽他年棧石可論材官齋恰在高
堤上水態雲容一片來

其九

黃鸝並坐聲偏滑紫燕雙棲語未殘惟有鷺鷥愁
獨立烟波滿眼在江干

其十

策馬長堤日易斜暫棲僧榻卽爲家淮陰縱使春

如海老眼難看陌上花

附田少司農綸霞後十絕原唱

一間草屋符簷扉水禽相狎來依依移向桃花岸上住更有水禽無數飛

其二

大堤犂确小堤平狡獪春風故故生謝絮沈錢爭馬路蜂鬚蝶粉礙人行

其三

朝朝暮暮浪花中間立沙頭水勃公不分鴛鴦菱葉上奢雲艷雨浴衣紅

其四

烟中艇子柳邊樓消得愁人幾許愁唯有一條袁浦上酒家帘影落春流

其五

永疊苔錢將入夏釵分燕尾已過春鶯梭一段烟絲縷織作蕉衫付酒人

其六

四月八日佛生日野色湖光妙諦參幾轉栗雷代清磬一枝麥穗當優曇

其七

湖邊芍藥二三種
白慘紅酣破廟開
料得無人相護
贈僧羅折獻水神來

其八

柳接隋家帝子栽
長條盡作馬搥材
黃鸝應是精靈使
勾引雙柑斗酒來

其九

杜杞穎穎黃將盡
桑椹離離鳥啄殘
可笑多情白翎雀
滿身烟雨戀江干

其十

顚顚江潭落照斜
子山多病未還家
愁聽小謝輕埃雨
半濕新桐抱鳳花

湖堤又十絕句次原韻

諸公盡是中流柱
小草慚非塞決才
惟喜過江同講義
不因饑至負如來

其二

官柳碧絲烟半鎖海棠紅暈雨初銷雙藤不用籠
坊出閒倚吟鞭度板橋

籠坊見唐書

其三

車騎羅囊興未闌鎮西鵠鵠舞寧殘任教太史呼
牛馬半似麤官半冷官

時客有尚車騎鎮西之好者

其四

緇塵中散蠹堪爬更笑青蠅點欲加

時有劾諸臣與總河不和

者舉眼竹林成七子風光且到酒罈家

時同督堤工者大司

馬瀋陽范公少宰太倉王公公少司農德州田公
睢州王公公少司馬滿洲布公公少司空吳江顧公

其五

客囊羞澀阮孚錢辜負秦樓趙瑟前幸有山僧攜
日鑄旗鎗新試九龍泉

其六

沈河不省毛錐用射海緣知畏拍張若使宮成歌
瓠子負薪操翰許誰長

其七

五月葵風晝似年東坡茅屋小如船隔村溪友閒
相訪畱得河魚不取錢

其八

幽懷無復託瑤琴鎮日思家動越吟人世難成真

底事神仙河決與黃金

其九

千里湖光白絮鋪金堤藉草可歌呼一輪明月聽
湘瑟羅襪生塵夜有無

其十

八老淮南可變童投綸還有後車翁愁多騎省絲
垂領白髮從今也未公

附田少司農綸霞又後十絕句原唱
食法嚴龜太瑣細天教饒口養麤才長鬚解辦
花前酌買得蘆芽蛤蜊來

其二

羅含宅廢情無賴王粲樓荒魂黯銷未卜梁鴻
何處住綠槐深巷是臯橋

其三
一局丁東入夜闌三條蠟淚玉蟲殘此行不比
羊玄保願作宣城太守官

其四
老夫多癢倩誰爬鴻爪畱痕病轉加花落閒庭
深一寸麻姑才到蔡經家

其五
絕少當壚賣酒錢孤村小肆麥風前故人爲解
相如渴汲盡春申澗底泉

其六
病馬龍鍾似瘠竹短鬣那復森開張杜陵野老
作浪語苦試明年春草長

其七
便欲結茅湖上住屋旁鴨嘴小漁船慣參思話
纖罾鼓不賣君平卜卦錢

其八
詩思刁騷費下琴短吟彈出又長吟十三徽碎
鍾期宅欲向人間一鑄金

其九
渺渺鴻陂白練鋪芋魁豆飯野風呼它時黃鶴

歌聲歌似得浮山一格無

其十

沿溪鴉髻數兒童倒接羅來指老翁休唱銅鞮
矜醉態空教拍手笑山公

題唐武后武成殿夜宴詩後

呂娥紀後悲唐事感業寺尼作天子龍瞳鳳頸表
神姿塗澤蛾眉善容止佛廬自炫入椒闥頓使君
王欲心死垂簾偶坐東西房二聖萬國喧詞章巍
巍唐鼎改周命儼然冕服升明堂上陽機暇春迷
離良辰不樂須何時蓮花旖旎劇逞態且喜穠李
無豐枝錦袍詩就誰爭首北門學士頻行酒偶拈
鏤管灑珠璣便輕狄薛能書手昔曾捧硯侍先皇

飛白入妙戈法強此中落筆肖其意斗光劍氣含
晶芒玉環飛燕若侍側濃纖安敢爭低昂天樞頌
德究何補流連翰墨差堪取最憐鏡殿花間月不
向昭陵照杯土

得前輩高渭師書有感

余自丁卯秋丁朱太夫人艱里居蓋二載
餘矣已巳秋都御史某公彈劾禁近諸
臣而余亦羅織在內顧不能指一事以爲
余罪端也蒙

聖天子洞鑒直置不問旋某公以他事敗去甲戌

秋余奉

召來京總裁明史已卯仲夏

特旨補授工部尚書是年某公亦起任楚督其冬
余奉

命督工高堰明年某公入

覲高公其同年友也夜過其邸第自悔疇昔誤
聽人言妄攻王公酒間指席上燈花爲誓
以明不欺高公移書備述其語洋洋千餘
言從郵遞而至適督工諸大臣公集余館
啟緘相示在坐者爲大司馬瀋陽范公少

宰太倉王公少司農德州田公睢州王公
少司馬滿洲布公少司空吳江顧公客有
言曰先生可以自白矣范公曰此事諒

聖衷久已洞晰何用自白余亦以某公悔悟輸情
乃類長者遂作書以謝高公并致復焉書
畢感而賦此

北雁遙傳袁浦音文瀾千頃寓情深方知却慮彈
人旨不出曹公伐異心十載箭鋒縈噩夢一朝弩
影釋疑襟轉思聖主明如日早豁重昏得至今

其二

廉蘭何庸私忿爭緘書一幅是聊城彎弓悔射投
林翼伐木重諧出谷聲烈火豈岡成往事寒宵燈
穗話平生人言自古原難聽風雨淒淒空復情

官舍

清淮萬頃散朝暉官舍荒郊水蘸扉苑馬力疲同
驛馬客衣香減類僧衣鴻來遇暖猶知返燕到生
雛亦已歸極目金堤何日了薪茭縱盡恐全非

湖堤水閣

閒憑高閣領湖光雲水晴空雁幾行不盡濤聲喧
日夜無邊風力走帆檣一尊對景尋誰共千縷歸

心入夢長又手詩成還獨笑壁間醉墨漫淋浪

高堰督工諸大臣九月十八日奉

旨撤回十月初二日啓行總河遂寧張公驛亭餞
別漫賦

來時楊柳嚙春鵲今見丹楓映古隄黃濱幾年能
灑淡清淮何術用排擠羣公塞決嘗沈璧獨力歸
川佇錫圭試唱驪歌還祖道當筵樽酒惜分攜

行至泰安州詰旦少宰太倉王公少司空吳
江顧公偕余登岱詩以紀之

域內尊五嶽岱宗實居首竭來茲山下世事每牽

狃未得捫青天羣峰恣披覲今踵二公武勝遊安
敢後石磴御腰輿四圍蒼靄覆爰自紅門入礧礧
窘步驟北行十餘里回馬嶺高袤削立狀互變崢
嶸意相就中懸萬丈泉衝觸噴急湍緬自洪荒始
日夜無宿畱音溜穿林踰大石列嶂爭輻輳度險稍

夷衍嘉樹何鬱茂地名曰御幃鑒輿此夕逗

宋真宗東

封帳宿處

前行至黃峴五松已凋疲猶存鐵色榦諒非

秦封舊旋詣百丈崖崖厂若杲厠旁有太古洞深
黑難具究又經石壁峪峻嶒插天闢凹爲十八盤
萬級如刻鏤兩足曾不容斜行陟層岫前牽復後

挽如張萬鈞穀僕夫懼折肩遊客怯昂脰

應劭所謂兩從

者扶掖前人相牽後人見前人履底前人見後人頂者即此地也

累息登天門仙

葩拂衣袖萬壑來松聲耳溢笙簧奏晉謁元君祠

冠珮匹帝后銅欄扃香縉以佐縣官富其右有刊

石苔蝕秦篆籀左折爲嶽宇規模反不副廟左開

元銘唐隸迴奇秀更覩蘇頌頌宏才吐芳漱妄蓋

林方跡不如土花繡

東封頌隸文損於林焯忠孝廉節四字顏魯公題名損於

方元煥詩絕頂玉皇宮石表類岫巉柱方而質潤惜無

字可讀或云中有藏斯石乃其冒

莫候切

稍東二百

步石室一靜扣傳封玉檢時探策得永壽南爲捨

身崖陡絕罡風吼下臨萬仞谿一墮那可救周覽
窮日夕道士設齋豆置身霄漢間擁衾摩列宿入
夜甫三更輿人自神廐重裘猶發戰鼻寒畏噓嗅
崎嶇至日觀高下互昏瞶咫尺雲氣塞若絮鋪宇
宙天地并人物渾侖白玉圉縱目扶桑東不辨何
時候忽從黯靄中一線紅光透八極布綵霞九霄
似金甃赭輝射潭洞山容醉醇酎須臾曦馭升虞
淵浴且復扶富切半輪界微痕三山影相媾登萊三山也
雲君旋扈從霓師競奔湊曲阿既已升六合豁雰
雰載返蓮花頂晷刻正當晝下視泰安城塊然若

土壙遙睇列衆山，偃僂集卑幼，徂徠爲稍尊，戢翼

待煦伏。

扶富切

南顧汶與河，滌洄如腰綬，北望恒與

崧，恍惚亦可邁，再過黃華洞，玉女有遺構，洞中廣
容，几清泉滴石竇，塵埃苦俗眼，其冽可以漚，數仞
建一閣，千松雜鼉鼉，憑檻環羣峰，仙境真難購，矯
者若游龍，舞者若靈鷲，峙者若屏立，竄者若獸走，
高者直無紀，危者常不仆，岩形閃落暉，紫翠相紛
糅，住此幽絕處，脩煉天所授，維時值孟冬，木落山
寒瘦，更擬恣探奇，竊恐傳聞貿，斯遊興已暢，結賞
良不謬，顧瞻寰瀛內，何勝出其右，吾儕羈於公，樂

事豈能又作詩紀登覽祇嗤下里陋

橫雲山人集卷之十九

橫雲山人集卷之二十

雲間王鴻緒儼齋撰

還朝集

張洗馬寄亭偕中翰凌秋李孝廉寅谷招同
王少宰顥菴前輩韓大宗伯慕廬李總憲
木菴田司農綸霞汪祭酒東川修撰東山
錢孝廉亮功宗卿伯氏閣學仲氏赴宛平
太傅別業看芍藥卽事酬寄亭

鳳城南陌敞雲莊紅藥翻堦繞徑芳獨殿三春矜
絕麗競分五色炫新粧

園中芍藥
備五色

霞光常護中書

省金葉爭妍畫錦堂底事滿園羅萬本酸鹽調鼎
費平章

其二

良朋折簡敢云辭況復名園花滿枝艷質倚欄朝
露後嫩香盈座午風時青蓮醉醒曾無賦白傅情
多合有詩最訝品題稱近侍漢宮姊妹定誰媼

其三

佳種東皇處處栽江南江北滿層臺明時未得歸
田早勝地還逢笑口開匝院濃陰移永日逼簾香
雨送輕雷羣公興到良非淺小戶看傾酒百盃

其四

客裏風光度七春
鵲來芳徑幾逡巡
尊前不作將離友
階下如逢傾國人
愧我歡娛成老大
羨君詩句轉清新
百年聚散知何定
可許花時迭主賓

次寄亭原韻

園亭郭外真幽勝
花信番中喜乍晴
錦幔半遮朝日重
朱霞不散曉風輕
丹青院本應難繪
劉貢父畫芍藥
紅粉揚州僅有名
宋時芍藥以揚州甲天下
自昔風人相折贈
也因芳艷使心傾

其二

名花異卉裁嘗遍似此穠芬却未曾肯與牡丹爲
娣姒可同香草贈交朋色分蘭殿三千麗座擁瑤
臺十二層若使羣芳來聚會尹邢相見豈無憎

其三

重枝累葉蔭雲根雨露偏滋獨樂園自是黃腰登

宰輔

韓魏公守廣陵日紅藥黃腰者得四枝分贈玉岐公等四人後皆登宰輔

那隨青

草號王孫春來士女千羣出香入衣裾數日存更
喜名賢多麗句一時傳寫管城髡

其四

相傳婪尾殿春濃竟日看來興未慵桃頰暈生金

鑿落霓裳舞貼繡芙蓉沉香花發原同字

明皇時牡丹呼

木芍藥

西嶺雲行何處峰

是日西山有雨至

對景可能還酩

酩禁城休畏夕陽春

阮亭王大司寇徵青城韓母苦節詩因賦

平生嘗痛柏舟詩那及青城苦節詞玉鏡春華悲
鵲影萱庭霜月照機絲孝承祖禰雙姑日恩逮曾
元五葉時如此貞風旌典闕不逢司寇幾人知

送大司寇王阮亭請假遷葬還里

都亭祖帳落花深滿路薰風返故林幾載雲霄槐
棘坐無邊霜露蓼我心西曹丹筆關星象北闕崇

班待履音遙計牛岡方改卜趣裝應已及秋陰

其二

海內今誰大雅存漁洋碩望峙龍門獨裁僞體音
偏古遠祖風騷道自尊倬直每隨金殿晚含毫常
並錦茵溫暫時分手猶難別預數還期共討論

李厚菴前輩六十壽

仙李鬱蟠根華實布區宇散精多畸人豈易樓指
數惟公椽梁植器宇抱台輔澡髮直蓬池文筆輟
燕許罷落筆慨言靈臺出機杼易象詩春秋不絕
止遺緒延平考亭功八閩共尊俎而公時冥搜寤

寐若告語畛界旣脫畧堂奧寧齟齬九流百家說
餘事亦編組談天裨竈匹博物國僑侶乞閒臥故
廬聞江跳猓獠夷庚雖暫塞間道可力取忠孝氣
鬱勃密計導王旅鯨鰐水乍失封豕腦已鹽天
子嘉乃績還朝托心膺賡颺絲綸閣斧藻圖書府
游膺文衡任絳帳列章甫論文屏輒茁得士盡璜
琥京師三輔接民俗競雄武探丸旣肆出吏治亦
非古中丞秉鉞來老幼手摩撫愼伎習頓變儒緩
匹鄒魯貪墨競望風印綬棄不顧清輝照千里到
處集雁戶更兼白季明頻有卻缺舉薦賢受上賞

一德賡譽處帳殿每前席中朝仰鐘呂燕趙溝洫
廢田廬靡處所晴來燠旱憂雨有墊隘苦豈獨傷
稼禾而亦困行賈公虔導水 命畝濬川可距于
焉鳩藪澤于焉表淳鹵于焉町原防于焉規隰沮
慈惠民子來役作如禦侮或取一秉耜或手一鋤
土指顧成金堤四野歌原廬憶余初釋褐忘年締
縞紵聯驂濯龍門接綬牽牛渚鐘聽飛廉鳴爵見
觚稜舞公今領外臺相望隔雲樹遙知稱觴日黃
菊綻秋圃應厭優伶喧塵去竹肉譜旌旗耀和門
蓮幕列花嶼獨坐擁皋比諸生侍廊廡談經軼馬

鄭辨道起聾瞽以此娛佳辰殊勝樂兩部公才齊
秦大緒也僅邾莒祝嘏愧不文泚筆先覩縷期公
陟中台九埏渥霖雨朝夕得繼見從容接談麈

送慕見曉南旋

梧垣數載五雲中暫返烟江問釣筒
駁歷藩維明主意激昂章奏古人風
迴翔不改霜前鶚行跡誰黏雪上鴻
羊杜功勲家學在早紆經濟答宸衷

題同年張鵬亭小像

數頃漣漪鏡面開
青桐軒畔日徘徊
小童侍立清

如水爲捉張訊麈尾來

其二

堆案縑緗任手披眼前位置總幽姿掖垣梧竹家
風在詩卷先開杜拾遺

其三

萬竹叢深堪集鳳雙槐枝老不棲蟬巖前紫桂當
秋發滿院清香八月天

其四

淮南風物小山宜花底間敲冷暖甚迴憶當年揮
玉斧西河斫取最高枝

鄭氏一門三烈爲總戎鄭芝菴賦

銅馬盈城里社墟英雄巾幘劫灰餘一家三世伯
姬節萬古千秋中壘書碧血有光寒宰木烏頭生
色耀門閭貞風熾火河西路爲採幽芳記石渠

恭題

御賜韓少宗伯慕廬篤志經學匾額

慶霄萬里垂雲漢 龍章捧出承明殿大儒稽古
絕代榮玉堂盛事人爭羨我

皇典學隆義文珠函乙夜窮三墳親裁同異石渠
閣時耽染翰揮烟雲珪璋瑚璉滿東壁國寶首重

昌黎君昌黎射策昔第一百斛驪珠五色筆不矜
翡翠戲蘭若直掣鯨魚翻浴日一朝歸興乘秋風
錦袍畫舫浮江東豈意九重思碩彥還來前席
明光宮正誼遠邁膠西相經學自勝梁長翁容臺
進秩辨五祭兼長瀛洲談六藝金華簡冊高於山
口誦遺編若數計文成奏御輒激賞殿上朱衣
稱萬歲止戈四海清無塵崇獎儒術恢經綸鸞鵠
鳳峙燦銀牘穗書鐘篆難同論臣也敬觀拜稽首
遇合明良嘆希有縹緗什襲子孫藏夜夜榮光射
牛斗

苑馬

寶廡騰雲錦雄姿按隊呈霜蹄千里闊珠汗五花
明掣電真無價嘶風最有情試調龍脊馭箇箇是
星精

題友人小像

五嶽圖懸只臥遊九仙仙骨自丹丘雲泉烟嶂渾
無際咫尺紅牆有十洲

其二

朱薨賜第接離宮晨夕原遊閭苑中祇爲養堂懷
北墅一帆畫舫到江東

題王虹友東籬採菊圖

鳳洲詞藻一百年梅村風流三十載壇坫荒蕪槃
敦空誰吟白雪驚時輩太原八柱推婁東傳家五
色垂華蟲更兼騷賦繼前哲獨步江左稱豪雄當
時譽滿十才子龍鳳騰飛一門裏開寶規程中雅
南杜韓根本窮經史頭白詩翁宦不成萬篇金薤
繡囊傾廟堂勲業何驃騎湖海聲華第五名如今
世好方波靡麗則寧知追正始繁絃切切亂箏琶
間色紛紛鬪紅紫先生老筆無朋儔一手直障黃
河流科頭北窗日嘯咏把酒靜對南山幽籬根古

香撲書笈落英未許塵凡拾蓮社爭吟採菊圖鷄
林來購蘆中集

贈林太翁立軒

嵯峨九仙山霞光燭南斗下有栖隱廬瑤草拂戶
牖雅辭軒冕榮丹砂常在肘蹠躔金母匹婉孌木
公友未知礪溪翁至樂有此否

此樂固何極春風滿珠樹趨庭富經史咳吐博古
趣伯氏翁且湛仲也美無度若問常棣輝平輿曷
足數吳越眇雲烟久矣企余慕

余慕閱數載良會何鬱紆翩然振九苞德輝下庭

隅洵是王者瑞迴與凡翮殊穹碑豎太學觀者溢
路衢佇仰挾天藻光華耀八區

八區亦云廣國士顧罕有瞻茲羔鴈羣彌信太丘
厚神駿固無前隱德必裕後世珍賈董罷天畀松
喬壽乘風寄短章爲道吳淞某

題友人琴鶴圖

花下鳴琴鶴影移行唐風物自秦時青山郭外經

巢許縹帙知摸問荅碑

相傳行唐縣有箕山

其二

洗心亭上看毘山古剎嵯峨列嶂間試問科頭綠

底事可因峯泖憶烟鬟

題查聲山花谿石漾圖

雅聞石漾名迢迢藹雲路褰裳竟未遂蓄念積朝
暮何意武陵源覩自鷺溪素中有抱真子領略滄
洲趣階前萬頃濤籬邊百年樹窈窕石梁橫奔流
日東注手把珊瑚竿非爲取魚具悠然濠濮心時
得象外句遠溯避秦年清溪澹如故

清溪萬竿竹遶舍復映水柴荆高下居占此丘壑
美花分桃蹊畔雲接深松裏一望幾十村澹蕩數
百里詎知鯢化速未得常耽此昔爲釣鰲人今作

簪筆史繪圖憶枕流漫笑亦何以

見君山水卷使我增懷鄉自愧昔未審出處太匆
忙竭來經五載耳目昏鉛黃不知故園樹別後幾
許長昨有友人至爲言遊我莊青松已覆屋修竹
迴蓋牆紫藤繞數架狂花飄滿牀往往偕親串其
下羅酒漿念予何時歸題詩在高堂斯語本慰藉
我聞心暗傷從今溯古稀亦止十五霜馳逐風塵
際豈殊病中狂矧當明聖世樗櫟非棟梁自願
早投林子也長巖廊

題陳乾齋北征扈從圖

妖氛煽絕幕屬國罕寧歲 天子赫然怒默定必
勝計黃麾下層霄雷行十萬騎爲奠邊庭安一靖
豺狼噬陳生本儒者忠勇壓荒裔奮舌請從軍氣
吞天山際弓無六鈞強筆有五丁銳斧藻磨盾詞
揚厲撻伐勢吾聞炎漢初曲逆效謀議解角藉關
氏史冊畱餘愧長沙王佐才獻策設五餌圖張征
討聲但抱迂疏意豈如 神武聖瀚海騁長轡蕩
滌太古疆斗北盡置吏從官鳴珮還凱歌喧動地
共沐挾纘溫那苦戎衫敝試問開闢來盛事寧有
二繪圖示後人永覩軍容麗遲子灑隄糜更作北

征記

白鹿

仙客儀天衢休禎備前記王者政教平遠自北海
至或言法度整苑囿始來萃所以軒轅時白環獻
西使載聞純獸祥絜美靈物四天家孝道敦瑤光
乃鍾異我皇敷聖化八表溥漸被惠沾蒼赤儔
仁及飛走類猗歟躬至德寢門膳勤視鷄鳴輒問
安鳳輦日承志一氣召星符爰集明離地銀鋪璐
砌間光彩耀白賁引霹靂聲呦呼友共游戲宣昭
百祿徵浩蕩景福義以古驗今茲允矣叶圖瑞

其二

六宇昇平歌樂豈仙姿瑞叶林間彩已從西極進
軒庭更見瑤光騰碧海羣玉峯頭駕素雲兩麕參
錯雪繽紛骭懸銅篆千年字頂佩璇樞七曜文那
羨崑岑與蓬島長養宜春春不老紫禁風和夾輦
行紅樓色曉聞聲早儻儻俟俟日華東馴擾相忘
湛藏中松邊穿月寧畱影石畔沿流祇映空幽襟
自愛瓊崖樂潔似冰壺清似鶴笏子銜花傍淺莎
攜羣吸露過閒壑異產全符至德期白麟朱鳳接
光儀試稽圖牒徵符應上叶岐山靈囿詩

橫雲山人集卷之二十

橫雲山人集卷之二十一

雲間王鴻緒儼齋撰

還朝集

壬午四月初六日

賜御書敬慎堂匾額恭紀

自分無才荅 寵靈勉持敬慎對 明廷溫綸昔

歲邀 天眷 宸翰今朝作座銘

臣鴻緒省親疏曾奉 旨王鴻

緒朝夕勤勞敬慎素著今匾額又蒙 賜此二字

朝夕瞻仰惟切愧勉

時鸞鵞諧體勢星芒珪角備晶瑩捧歸虔作泥金

榜蓬室常如對紫局

其二

龍馬文呈一畫初擘窠三字比瓊琚片言曾著周
銘內全義猶聞抑戒餘常借冰淵嚴簠簋豈惟
堂陸肅簪裾試看鳳藻高懸處便是臣工日省
書

五月二十五日

賜御書臨黃庭堅字一幅恭紀

詩數西江派書稱元祐賢新篇燦珠玉老筆落雲
烟未共蟬編盡還看鳳藻懸微臣嗟腕劣樵仿
法難傳

十一月初十日

賜磨礪山石硯一方並西洋漆匣

御墨四錠恭紀

磨礪之山石如玉質潤理細肌無粟蕃人止作治
劍具帝珍良材采巖曲將作經營倍匠心硯光
一片春波綠陰鐫御銘僅兩言繁縟不尚精義
足雀臺澄滑未爲珍龍尾元蒼詎堪錄追琢旣成
曷貯之珠匱金匱猶恐俗東嶠海國鄰扶桑奇琛
百寶來梯航其中漆匣炯可鑑粉金沁地含晶光
山川草木及人物營丘妙筆爭毫芒周圍長短約

三寸內小四匣同精良薄如脫胎外施采峭如截角堅成方韶州退紅應讓色魏宮銀鏤漸無章

至尊見之心悅怡斯器何減琉璃裝位置結鄰穩相稱端凝風範居中央下藏烏玉檢四玖配以側理更數張文房勝事允備美筆牀香案同輝煌一日九重傳賜硯羣臣俱集麒麟殿體製古雅各種殊拜捧胥懽感深眷須臾中使天語宣茲硯特爲朕所選爲緣遍賞數不敷撒與鴻緒供書繕綸言婉豫意醇厚堵牆學士人爭羨臣也稽首跪而領瑤華到眼金碧眩涵星紫雲世亦有似

此清純未曾見太平文物滿四陲韓碑柳雅無不
爲小臣得硯何所事願草七十二代封禪儀更定
太廟明堂辟雍禮昭示盛德垂來茲自顧筆弱乏
雄藻黼黻終非燕許姿縮手懷慙負斯寶錦綺什
襲逾瓊支咏歌 聖恩同海岳若比崇深無盡時

十一月十三日

賜御筆楷書聖經一卷恭紀

維天誕宣聖至德符坤乾考正禮樂制刪定詩書
篇十翼闡易奧春秋昭治權造就三千士陶成七
十賢至今仰大謨炳若日月懸要其會歸處彙括

大學編近而檢身心遠而又寰埏徹上與徹下物
已胥成焉我

皇懋建極斯卷常在前躬修慎幾微政理孚入天
所以薄海內萬姓臻堯年皆於經有獲道爲百王
先清宴御便殿鸞素展珠筵神偕尼父會字字銀
鈎傳二百六驪珠光耀燦璣璿聞諸古誼辟亦篤
翰墨緣誰能體厥訓搢管相精研彩雲飄玉几何
意寵賚宣楷則欽貴重聖文矧錄全小臣拜稽首
感激心竦然縹緗襲至寶貞玉謀瓊鐫世世守勿
失永易子孫賢

是日又

賜御筆書朱子詩二幅恭紀

孔孟傳心學千秋屬紫陽經書資訓詁理道入詩
章秘殿時吟賞鸞文競舞翔沾榮懷往哲異代亦
輝光

十一月十五日

賜御書程秘頤堂銘一幅臨董其昌字一幅恭紀

日轉觚稜薄雪融御書頒下紫微宮銘從宋代

爲閔論詩自唐賢繼雅風

董寫唐詩

紙繞雲烟香馥馥

墨浮光燄氣熊熊

天王妙筆誰能並星漢昭回

亘碧宮

送相國桐城張公致政歸里

維張次鶉首灼灼垂華星降爲帝者佐瑞彩騰王
庭早歲侍禁近吐辭齊六經帷幄壘太和萬國咸
清寧未升鼎鉉日已沐甘雨霖澤物常不言薦士
歸無形泊正綸靡位金鑑呈芳型都俞保傳職謨
訓旂常銘功成忽勇退高舉若鴻冥帝亦莫能
強繫駒俾稍停曰永今朝歡畱待春蕪青

其二

龍眠見圖畫名勝天下少西林茂松栝南溪足魚

稻浮山一何奇羣峯插晴昊巖瀑濺戶外江光落
樹杪暫游固已佳棲隱洵復好自公徵召來日視
金鑾草朝捫天門青暮對蟾宮皎嘗於燕酒時裁
冠同綺皓伏蒲慙丹忠授書屬國老人欽繪龍蟲
公顧夢魚鳥始笑漢二疏乞身良未早

其三

猗余釋褐初中禁濫持橐國典方紛綸承明多著
作追隨元公後尾驥幸有託懷鉛入金門問字到
秘閣輪囷樗櫟材每勞運斤斲及乎返初服世路
密矰繳藹然採黃花一餽被創雀因此效嚶鳴重

來集鵲鵲亮非恤惠仁殆久不可藥公今一朝別
我逾十日惡出錢郊西門高林捲風穉風穉渺何
依孤懷正牢落安得隨軒車言尋故鄉樂

其四

賜金構名園日涉便成趣前庭竹檀圍白晝亂風
雨手植南澗松旅生柯葉布虛堂八九楹粉蘂亦
新罍堂上何所有萬帙列紺素書出汲郡冢史秘
宣城瓠輿任弟子肩苗容小吏吐古琴時橫膝漆
痕斷蛇蚺偶作洛生詠亦彈郢中句儵然北窓下
日與羲皇遇只恐朝問勤每月訪時務天書雲

際來未免驚鷗鷺

公龍眠山
園名賜金

其五

子房佐漢室言作赤松游長源光唐祚亦喜衡山
幽賢達蘊高致鐘鼎如贅疣况有雙明珠照耀銅
龍樓一門習七業玉樹交柯稠功名付後哲衮繡
尋滄洲半世爲稷契半世諧巢由少時嬉游地某
水兼某丘一別三十年重到揚清謳吾聞行藏義
貴與大道侔從來社稷臣石隱非所求公歸江湖
上心定依宸旒毋靳金玉音赤鯉浮江流

親藩敬藏

御書寶訓應教

帝胄屏藩重天文日月光彤墀頒寶訓朱邸構
蘭堂麗藻雲凝采宏詞玉琢相洋洋垂典則藹藹
迪彝常聖主謨皆範賢王禮是防苴茅榮上爵
華萼燦前行恩渥丹霄裏暉分紱極旁濡毫看鳳
舞展卷識龍翔鈞珥通元化波瀾接混茫細書超
漢祖一畫駕義皇捧軸來珠闕編題護縹囊臨摹
鐫琬琰什襲重珪璋霞綺蓬萊府星輝翰墨場金
枝傳奕葉銀榜紀雕梁鎮國真成瑞承家永式臧
東平爲善樂沛獻說經良不數三雍對兼工八法

長敬勤隨鶴駕友愛接鸞章侍膳同歡讌趨庭日
拜颺萬年奎壁曜寵錫正無疆

癸未正月十八日扈

駕南巡駐蹕鄭州南八里

賜水圍所得野鴨一隻恭紀

時巡江左下龍驂羽騎初臨鄭驛南

鄭州今廢止有鄭城驛

八校弋鳬爭獻

御徧頒侍從共調甘

其二

列幕千重藹日曛天閑上駟盡龍文從官九叩旗
門外帳殿晴瞻五色雲

其三

輕騎行魚載酒車割鮮野食坐畦花侍臣橐筆欣
無事閒看期門中戟牙

過雄縣書所見

燕南趙北易京城地裏曾傳鼓角鳴

公孫瓚築易京城自固表

紹攻之瓚與子書云鼓角鳴於地中
梯衝舞吾樓上即今雄縣其地也

盛世普天無

戰伐民車駕馬冀春耕

德州渡河

扈從前驅曉渡河無邊桃李滿平坡東皇亦解迎

鑿意粧點花光百倍多

時奉旨漢官
扈從者前行

過揚州

生涯不慣御驂驪
畫舫清波性所耽
塵拂征衣來薊北
花明客眼到江南
隋堤鶯暖聲穿柳
京口雲開翠滿嵐
更見列城喧鼓吹
香燈錦幃色氍毹

其二

舊識淮南廿四橋
繁華景物興偏饒
嚴關鹽鐵經唐代
巨鎮旌旗溯漢朝
十里香風晨捲箔
千家明月夜吹簫
皇恩更賜商民樂
比戶喧傳免賦徭

西湖

風聞西湖名直比
西施面薄官阻勝
遊夢寐思一

見今朝扈蹕來天假人之便清晨出城闐全湖淨
如練周圍三十里中流聳樓殿春風駕畫橈波紋
劃深靛十景烟靄重六橋桃柳絢山長刹影明水
闊花光眩何石不鸞騫何溪不珠現吾觀西北山
無水乏婉孌載觀東南水無山寡峭舊山與水相
涵固維此盡善乾坤毓奇秀乃萃吳越甸况兼白
與蘇風流昔所擅遺跡至今存好事爭修繕人來
勝地清女競春時倩珠幃帶詩筒畫舫飄歌扇撥
雲或獨往拾翠還攜串是處可浮觴小憩亦花院
盡日無歸情相看曾不倦素懷聊足酬幽賞顧末

遍明朝發前途數月有餘戀

西湖雜詠

湧金門外綠堤晴寶馬香車取次行垂柳千條拂
波面黃鸝飛上不停聲

其二

湖光蕩漾滿菰蒲畫閣疎簾掛一壺遊客自歌魚
自樂人生到此一愁無

其三

冷泉下嶺合金沙瀉入西湖種藕花製麪當年曾
釀酒至今風味尚堪賒

其四

華表巍哉鎮水湄
青山長繞岳王祠
趙家陵墓今何在
春草淒迷人不知

其五

湖光漠漠碧浮天
水月相輝思渺然
若把三潭成色相
不知何處學無禪

其六

水亭四面納湖光
朝暮烟鬟百樣妝
遊舫未來花欲笑
春風先到已生香

其七

南渡禪宮建淨慈應真五百塑容儀山僧猶說當年話鐘鼓晨昏誦六時

其八

畫船何處不相逢蕩槳周遊到下春湖面翠鈿山黛色夕陽偏稱是雷峰

其九

重湖結隱絕無鄰放鶴歸來一歎賓臨歿喜無封禪藁名山增重爲斯人

其十

泉自雲中翠嶺分流從幽澗靜堪聞山亭惟有青

松色不見風流白使君

其十一

百丈懸崖不可摹蒼雲如覆峙芳湖飛來靈鷲亦
虛語似此奇峯天下無

其十二

士女春遊興正長城門鎖鑰限時光香輿畫舸都
歸去回首青山惟夕陽

靈隱

西湖梵宇知多少靈隱珠林昔所聞夜靜朗懸三
竺月天明高落兩峰雲隔山鐘磬時時應合寺巖

泉處處分覽勝却來當日午僧厨一飯覺清芬

韜光

又訪韜光歷翠微山門分徑轉春霏峰頭泉瀑聯
珠下城上江潮足練飛繞樹好花頻撲面穿林細
雨欲沾衣到來一借僧房坐祇覺雲深何處歸

吳山

高峰登眺實雄哉城郭人烟霽色開湖水蒸雲天
竺出江潮湧日海門來神僧自昔畱丹井仙侶無
踪滿碧苔

山有韶國師所開井
丁野鶴夫婦修真處

盛世不生興廢感

漫尋名勝一徘徊

四月廿六日恭和

聖製麥秋盈野志喜應制

曾占瑞雪慶堯年
朱夏來牟雨露全
翠浪含風光被野
黃雲迎旭秀盈阡
晨瞻香駕還齋殿
喜捧瑶章灑蜀箋
自媿吟成同下里
堦前清影已移塲

五月初十日蒙

召至苑中直廬

賜金扇一柄上

御書聖製虎丘五言律詩兼賜

御饌感激難勝恭賦七律四首仰頌

天恩自媿鄙俚筆不宣意曷任悚惶

奎光五色煥離宮奉 詔晨趨 上苑東得到蓬

瀛忘暑日拜承瑤筵展薰風言言玉振金聲響字

字龍翔鳳翥工驚喜驪珠成四十

蘇軾謝賜御書詩有云袖有驪

珠三十四微臣何以荅恩崇

其二

龍輿南狩徧騰歡虎阜曾經 駐蹕看綺陌焚香

聯萬井珠林介 壽列千官欲移靡俗停絲竹爲

灑清音叶鳳鸞虔誦瓊篇窺 聖德治平常復念

艱難

其三

紫宸殿裏乞 天章宮扇傳
頌喜莫量玉質牙紋
雕作采金花箋色
燦分行 虞歌自是高千古
義畫寧須數二王
琬琰摹鐫供世玩
縹緗虔秘子孫藏

其四

五明扇名纔拜慶雲邊
又荷瓊羞錫 御筵何幸儒
酸多飽日緣逢 主聖右文年
魚遊蓬沼涵新澤
鶯入華林轉瑞烟
歸騎榮光瞻滿路
一時 睿藻

萬人傳

恭和

御製 裕親王輓詩二章謹依陽青原韻

帝惜親賢逝濡毫製輓章聲含珠叶律淚和玉成
行暑路迴鑾轡虛筵奠桂漿哀哀天共格微雨助
霑裳

其二

東平嘗樂善沛獻夙談經忽悵晞朝露羣驚失典
型宸襟懷棣萼天藻勒碑銘友愛超千古非
徒頌鵲鳩

唐明皇時鵲鳩翔集麟德
殿帝同五王遊觀因作頌

伏聞 裕親王加祭予謚恭紀仍用陽青原
韻

聖德敦同氣哀榮禮倍常
莖芬加寵奠稠疊賁彝
章樂罷三雍奏帷寨七月霜
誅詞揚今問蘭坂歿
增光

其二

國重 皇兄長朝尊表行銘一言褒簡冊千古耀
丹青桐葉秋雲冷松原玉露零更聞停 御輦親
爲卜山靈

十月初九日

賜哈密葡萄二株恭紀

西域葡萄樹敷榮御苑中
睿情欣共賞遍賜及
臣工密葉分修榦雙株競碧叢
移根來玉砌扶架
映簾櫳夏燠堪延露春暄可引風
龍鬚行漸發珠
實待垂空他日陰成帳甘珍摘滿籠
覓方期釀酒
食德正無窮

送相國王文靖歸葬

八柱簪纓族三台社稷臣
騎箕歸碧漢封蠶送平
津檜路陳園器槐風引轉輪
大名經睿誅牌版
耀嶙峋

其二

王佐荀文若謀臣漢子房廷中尊赤烏泉下錫黃
腸旌旒寒飄日笳簫曉咽霜西州懷舊德不覺淚
淋浪

題少司寇陳丙齋前輩池塘春草圖

百城圖畫仰三君千里龍駒得長文生看鳳池楊
柳色黃鸝未省故園聞

其二

桃花如錦柳如絲掩映池塘漾碧時爲憶江南勞
遠夢鸞溪一幅寄相思

悼亡

甲申五月

比翼相期共百年
瑤琴何意斷瓊絃
音容一隔難重見
環珮雖存已絕緣
有淚暗流揮月下
無心隻影到花前
俸錢盡折爲齋供
惆悵安能到九泉

其二

一生薄宦在神京
晨夕相依歲幾更
退食每勞將案舉
早朝常自警鷄鳴
因思寢膳寧親舍
爲憶藁砧事遠征
來往辛勤成底事
空傳賢淑共吞聲

其三

官到崇班憂患多
頻年觸處涉鯨波
憐余時命遭

磨蝎累子光陰蹙黛蛾龍燭晝燃祈碧漢螭鑪宵
供念彌陀於今已遇平坡路一逝窮泉可奈何

其四

同心生死痛分途一品雖封命實孤育鞠半生無
子女敬承兩代事公姑姬人戴德延僧懺僮婦追
亡謁廟巫獨有老懷無報荅常將鸞鏡照鰥夫

送總憲李木菴予告歸里

五載霜稜動紫宸忽懷丘壑乞閒身牙班脫却羊
腸路烏府歸爲鶴背人松滿蜀岡堪作墅花明瓊
觀好遊春入林雅志雖長往未是天容老釣綸

其二

陶然亭子九秋天攜酒看山對暮烟曾話此身非

立仗早籌何日是歸田君今穩倚仙人杖

杜甫安得仙人

九節杖拄到玉女洗頭盆

我媿還施瞎馬鞭

晉人作危語云盲人騎瞎馬夜半臨

池

倘得白衣辭領職猶堪同泛五湖船

時余以公錯畱任

木菴話別有感口占四絕

年華甲子未全周副相歸來儘自由況有秦青歌
樂府一隨明月到揚州

其二

萬里霜風撲面埃離亭駐馬一徘徊春秋天地分

涼燠莫怪賓鴻自往來

其三

苧蘿山下別西東一樣施家兩不同自是紅顏兼
善舞任他長袖倚吳宮

其四

終朝札札弄機絲猶恐人嫌織錦遲聞道東家迎
少婦日斜祇有洗粧時

過高梁橋

鳳城西去繞高梁曲水鬱環陰綠楊青女乍來霜
未結猶餘烟景似江鄉

其二

遼宋當年戰水濱
休哥制勝事應真
今尋鐵馬橫戈地
惟見遊軒拾翠人

遼乾亨元年耶律休哥擊敗宋兵於高粱河

其三

西山一望翠微深
且傍清流浣客襟
白玉橋邊鳴碧玉
青林影裏見珠林

其四

清流百折玉泉來
散入平岡繞樹隈
高下粉牆臨水次
不知誰氏鎖樓臺

畏吾村

風雅茶陵領耆紳當年館閣句常新誰知馬鬣經
封後白石宮碑屑作塵西涯墓在城西畏吾村其
家族姓漸微至以墓前白
石碑搗碎與販鹽者插
和以賣見瓦釜漫記

十二月二十七日蒙

恩賜 御書春帖二副松花石硯一匣土木人參
一觔鹿一隻鹿尾四箇羊二隻上酒二尊
野雉八隻遼魚六尾哲綠魚一尾細鱗魚
一尾恭紀

禁廷侍直接新年春帖 恩頒玉案前句自宋儒
畱翰墨對語係程
朱詩句 書經 天筆動雲烟兩行鳳采

層層燦四幅驪珠顆顆圓虔奉

御題金榜側前歲

榮賜御書
敬慎堂匾額 奎光爭耀草堂邊

其二

寶硯清含碧玉紋良工巧琢滿霞氛

石質中綠而上下硯匣黃

色如朝霞蛟龍繞匣思吞墨

匣蓋有雙螭盤雲

圭璧鑄池欲吐

雲一縷中分天地色

硯匣石質具青黃二色中分若線

兩銘重勒

典謨文

硯與匣皆有御製銘

席珍何幸頻承

賜書苑

恩榮古未聞

前歲蒙恩賜硯一方

其三

常頒 天饌飫芳蘭又

賜瓊枝勝紫團

參名上應

搖光真瑞草

春秋斗運樞云搖光星散爲人參

捧來霄漢是神丹

容顏久覺星霜改

臣年已六十一歲矣

服食從今歲月寬

聖主湛恩深到骨呼嵩長願侍

金鑾

其四

除歲甘珍出

上方微臣拜

賜忝鵷行豐腴僅

見

天廚鹿肥脂非同博士羊

東觀漢記每臘詔今賜博士羊有大

小肥瘦博士甄宇先自取其最瘦者人因不爭詔問瘦羊博士時以稱之

山雉及時堪

入具嘉魚異種未曾嘗

內有哲綠魚細鱗魚尤爲異味不可常得今歲始有

蓋珠思也

齋回闔室歡無比况有瓊漿滿舉觴

橫雲山人集卷之二十一